

## Panis Evangelici Fragmenta Qvadragesimalia Tripartita

Ex sanctissimo Dei Verbo copiosé & sedulo collecta, Sanctorum Patrum,  
variorumque Auctorum sententiis & conceptibus mirificè aucta; Et  
Omnibus Quidem Anni Dominicis; præcipuè tamen singulis Quadragesimæ  
Dominicis & Feriis per binas ad minus, sæpius denas aut septenas  
Conciones fidi Populo ...

**Lingendes, Claude de  
Coloniae Agrippinae, 1689**


XXII. Quæ est sexta de dilectione inimicorum, ostendit injuriarum  
condonationem non esse actum ignaviæ sed fortitudinis, & longè majorem  
esse fortitudinem in patiendo quàm in aggrediendo, exemplo ...

---

---

**Nutzungsbedingungen**

[urn:nbn:de:hbz:466:1-56333](https://nbn-resolving.de/urn:nbn:de:hbz:466:1-56333)



## FERIA SEXTA CINERUM

## CONCIO SEXTA

DE DILECTIONE INIMICORUM,

*Quod injuriarum condonatio non sit actus ignaviæ sed fortitudinis:  
ubi tractatur Historia Machabæorum.*

*Dilegit inimicos vestros. Matth. 5.*

**M**EMORIÆ proditum est  
S. Joannem discipulum,  
quem diligebat Jesus, cum  
præsencte multa verba  
proferre non posset, per singulas col-  
lectas dicere solitum, filio, diligite in-  
vicem, cumque eius discipuli conque-  
rentur, quod eadem semper diceret,  
eum dignam Joanne sententiam pro-  
nunciasse dicit S. Hieronymus: *Quia*  
*præceptum Domini est, & si hoc fiat,*  
*sufficit. Idem dico de dilectione inimi-  
corum, de quâ satis dici non potest,*  
*quia præceptum Domini est: Ego autem*  
*dico vobis diligite inimicos vestros: & si hoc*  
*fiat sufficit: 1. ad remissionem peccato-  
rum ex Christi ordinatione: 2. ad per-  
fectionem quia est summa charitas:*  
*nam si de ipso Deo dicitur Roman. 5.*  
*Commendat autem charitatem suam Deus in*

*nobis, quoniam cum abduc peccatores essemus,*  
*secundum tempus Christus pro nobis mortuus*  
*est: quanto magis de homine: præser-  
tim cum ex D. Thom. 2.2.q.27.art.7.*  
*dilectio amici possit habere aliam cau-  
sam quam Deum, non autem dilectio*  
*inimici: Ac licet utraque dilectio esset*  
*propter Deum, tamen dilectio inimici*  
*fortior ostenderetur, quia hominem*  
*ducit ad remotiora, nempe ad dilectionem*  
*inimici: Non itaque mirum si sa-  
pius vobis de dilectione inimicorum*  
*dicam: sed ut neque ille amor ha-  
beri potest sine gratia, ita neque de illo*  
*differi potest uti oportet sine gratia*  
*auxilio. Ave Maria.*

**I**LLE sine dubio non erravit qui dixit  
similitudinem, erroris esse matrem:  
dum alia, pro alijs accipiuntur; cò  
quod quæ similia sunt, sàpè putantur  
esse

esse eadem. Id passim in virtutibus accidere videmus : Nam s<sup>e</sup>pe hominem prodigum, vocamus liberalem: hominem avarum, appellamus bonam oeconomum: tardum, & meticulosum, prudentem : hominem ignavum, modestum, & humilem : superstitionis, religiosum, atque devotum. Sed in nullā virtute major deceptio, quam in judicio fortitudinis, quia innumerae sunt actiones in quibus non est vera fortitudo, sed fortitudinis species: quā de re fusiū tractat, Aristoteles 3. Ethic. cap. 6. 7. & seqq. Qui plurima non metuit, ut paupertatem, morbum, & plurima quæ à nobis non proveniunt, non est fortis, sed eum quādam similitudine forte vocamus: In cap. 7. Qui circa res formidolosas modum exuperat, confidendo, non est fortis sed audax: qui autem audax est, arrogans esse videtur, & fortitudinis simulator. Qnā multi ex irā plurimum audent, & imperterriti se in pericula cōisciunt, & in hostes ferūt, uti animalia dum sunt fauciata: est enim ira res impetuosisima ad aggredienda pericula: sed iij pugnaces sunt, non fortes, sunt solūsimiles fortibus, quia utrique confidunt, sed non ob easdem causas. Hac occasione, communissimum errorem hodiernā die aggredior, quo creditur, pusillanimitatis esse injuriam modestē perpeti, & patienter ferre; fortitudinis autem esse injuriam repone; atque ostendo, nō in vindicta, sed in condonandā injuriā, veram fortitudinem consistere: quod facio duab<sup>o</sup> conclusionibus.

I. est. Nulla fortitudo aut generositas est in repellendā aut vindicandā

injuriā. 1. Quia ad id sufficit solus naturæ impetus, uti patet experientiā: quilibet enim irasci potest. Ita feræ, ait Aristoteles 3. Ethic. cap. 8. in eum insiliunt à quo vulnus acceperunt, vel ob dolorem, vel ob metum: unde, inquit, cum sunt in suis latibulis id non faciūt: itaque ad id non opus est aut instructione, aut additione virtutis, aut præmij pollicitatione, aut minis, aut supplicio, aut adhortatione, sed sola natura sufficit: ut scias non esse opus virtutis: ad contrarium vero hoc est ad ignorandum, opus est totā virtute: Immō nec à virtute natura adjuta id potest, sed opus est gratiā, unde recte dixit S. Thomas dilectionem inimici non posse habere aliam causam quā Deum: Si nō pro motivo, saltē pro principio: & probatur experientiā ex paucitate: Magnum argumentum raritas: Item ex difficultate quam sentimus, licet exemplis commoveamur: licet pœnæ intententur, & que extremæ: licet præmium proponatur, illudque summum: Item ex communi plurimorum confessione, id non possum, illud vires meas superat, quod nemo dixerit te appetitu vindictæ: constat autem fortitudinis objecūtum ī em esse arduam ac difficile: Denique quod qui id fecerunt in admiratione sunt, uti Ioseph, Moyses, David, Stephanus, Christus ipse: summum omnium exemplar. *Vix enim pro iusto quis moritur, Christus autem pro impijs moritus est:*

2. Quia quilibet etiā ignavus hoc facit: nō est igitur op<sup>o</sup> fortitudinis: Basil. Cōc. 17. quæ est de irā, & odio: Vindicta sūere cuiuslibet irascētis hominis est, ipsam

est, ipsam vero iracundiam superare, illius potius est, qui virtute praeditus est: quale enim spectaculum est, quam venerandum, quantaque admiratione dignum, humanæ etiam naturæ modum ferè excedens; videre hominem, multis convitijs affectum, acceptâ quoque vehementi in genas alapâ, atque innumera alia passum, cum dicto, tum facto, summam ignominiae labem irrogantia, neque iracundiâ exarisse, neq; ad vindicandum exurrexisse, sed placide mansuetèque pro illo qui offendit orasse?

3. Quia qui erat superior, facit se parem: qui enim alterum offendit alteri debet, qui autem debet, inferior est, nā alteri est obnoxius: igitur is cui debetur, superior est, atq; vindicat se, ex superiore parē se facit, & si plus noceat inferiorem: Seneca lib. de Constantia cap. 14. facit se adversarium qui contendit, & ut vincat, paruit: recte omnino, nam contentio non est nisi inter pares.

4. Quia non tantum parem se facit, sed inferiorem, quoniam vincitur: aut enim oportet ut vincat, qui offendit, aut qui offenditur: si qui offenditur, hostem facit amicum, hoc autem facit condonando: quod si qui offendit, offendit secundum iniurium, is procul dubio vicit, itaque fecit inferiorem: Seneca lib. 2. de lra cap. 32. Non ut in beneficijs honestum est merita meritis repensare, ita injurias injurijs: illuc vinci turpe est: huc vincere in humanum verbum est, & quidem pro justo receptum: ultio, & à contumeliam non differt, nisi ordine: qui dolorem regerit, tantum excusa-

tiūs peccat: sedut ostendimus in priori Concone, gravius.

5. Quia ultio oritur ex impatienciâ doloris, ut in eo qui clamat inter corporis cruciatus: Nam, ut ait Seneca, ultio doloris confessio est: Verum ut ait Aristoteles 3. Ethic. cap. 6. Nemor tolerantior est malorū homine fortis, mors autē omniū maximē est terrible: est enim ultimū vitæ, & nihil postea homini mortuo, aut bonū aut malū esse videtur: unde sequitur hominem fortē propriæ dici, qui circa honestā morte, & ea omnia quæ repente eveniunt, & ipsam afferunt, interitus est: quod si erga hæc summa, talis esse debet vir fortis, quanto magis circa minora, quales sunt injuriæ, quas nec timere debet futuras, nec præfetes impatienter fecit.

6. Dullum insigne proponit Seneca: est que, vir bonus cum malâ fortunâ compositus, dignum Deo spectaculum: Ita quilibet cum injuriâ compositus: sed huius pugnæ hæc ratio est, quod fortuna seriat: quod vir bonus suffinat: una victoria est, patientia doloris: Secunda manum quod aberrasset, in ignem immisit: victoria non fuisset si ignem aut excusasset, aut extinxisset: in hoc evasit viator, quod ignem patienter tulit, sine voce, sine gemitu, sine ullâ doloris significacione, immotus, & brachio, & vultu, & toto corpore, & animo. Eodem statu vir fortis injuriam tulerit: Non est itaque fortem esse, aut generosum injuriam repellere, sed injuriam vincere patientiâ: Ideo regale Chrysostomil. 27. in Epistolam ad Rom. quorumdam dictum: si me dilexerit diligam; si me dexter quoque non dilexerit

dilexerit oculus, effodiam: vocat frigidum, & imbecilli animi verbum, *phigron ryma*. & addit: Sathanica sunt ista, Publicanorumque & Græcorum pusilli animi mitati convenientia: Tu ad majora vocatus majoribus quoque legibus obnoxius es:

II. Propositio. Ad fortitudinem pertinet, & ad generositatem, injurias, patienter ferre, & condonare, inimicū diligere, & ei benefacere, qui tibi male facit: uti docet Evangelium. Probatur Ex sensu sapientum. Et quidem Aristot. lib. 4. Ethicor. cap. 3. agens de viro magnanimo: Non est, inquit, mali sibi illati memor, non est enim magnanimi meminisse, præsertim mala, sed potius despicer: Nec de hominibus loquitur: Etenim neque de seipso, neque de alio verba facit, nec ut laudetur ipse, vel ut alij reprehendantur est ipsi curæ: Quod si idem alibi dicit, hominem magnanimum de alijs non obloqui nisi ob contumeliam, quod eam pati turpe sit, sic intellige, non quando injuria facta est, sed quando damnum adhuc pendet, & ad justam eius compensationem necesse est, probra eius qui contumeliam intulit detegere: Tunc enim magnanimus, alioqui in hoc genere parcissimus, non gravate ita adversarium excipit, quod non facit vindictæ causa, sed justitiæ. Verum quia etiam in vindictâ, quādam justitiam agnoscit Aristoteles, intellige non secundū veritatē, sed secundum vulgarem, & communē sentiendi modū: Nam qui tantū injuriā reputant, vulgo non censetur injustus simpli citer, quia in hoc æmulatur justitiam, quod in speciem omnia reducat ad æ qualitatem: sed uti diximus quosdā nō

esse fortes, sed tantū fortitudinis habere similitudinē, ita justi non sunt justi sed similitudinem habent justitiæ: reverā autem sunt injusti, si se privatâ authoritate vindicent, quia Magistratus authoritatem usurpant, & jus violentiū eius qui offendit, a quo nemo reparationem exigere potest privatâ autoritate, sed tantum legitimā, id est secundum leges quæ hanc potestatem unū magistratui concedunt. Ita, ut jam me dixisse alias meminī, Seneca, lib. de Constantiâ cap. 14. ait Catone in percussum in os negavisse factum: & subdit, majore animo non agnovit, quām si ignovisset: & Themistius Orat. 5. Laudat Lycurgum, quod ei qui sibi oculum in concione effoderat, ignovisset, & a supplicio liberasset. Noverat scilicet bonum principem, non referendā injuriā, sed bene merendo, iis a quibus lassitus foret, superiorem videri oportere: virtutis quippe hæc victoria est, vindicta vero potellatis. Et vide quantum polleat qui ignoscit, certe quod asciubi dixit Seneca de virtute, eam omnia in suum colorem vertere, id facit fortis patientia, malum omne vertens in bonum: Nam ut ait Epictetus apud Arrianum lib. 3. cap. 20. Quod voles, accipe; & ego efficiam bonum, accipe morbum, mortem, paupertatem, contumeliam, extremū supplicium, omnia hæc emolumentum erunt contactu Mercurialis Virgæ, omnia fient eū ea pretiosa: ideo Chrysost. hominem, cum injuriā decertante patientiā, appellat, theatrū Angelorū: Basilius venerandū spectaculū, omni admiratione dignum, & humanę naturę modū ferè superans.

Probatu<sup>r</sup> 2. Quia cum sint duo actus virtutis, sustinere & aggredi, certe non alterius quam fortitudinis, prior sine dubio est potior, quia difficilior est secundo, & ideo laudabilior: Id præclarè ostendit Aristoteles 3. Ethicor. cap. 9. Quia cum circa timores, & audacias vertetur fortitudo, non tamen simili modo in utrisque occupatur, sed in timendis rebus magis spectatur: qui enim in his imperturbatus fuerit, & si- cut debet se gesserit, is magis est fortis, quam qui in illis quæ fiduciam afferrunt: Tolerandis igitur molestis rebus, homines, sicut dictum est, fortis dicuntur, unde etiam molesta res est fortitudo, & merito laudatur: quippe cùm molesta sustinere, quam jucundis abstinere, difficilius sit: Et ita bene dixit sustinentiam potiorem esse actum fortitudinis, cùm planè videatur is actus esse laudabilior, qui est operosior, & sustinere longè sit operosius quam aggredi: sicque subactio timoris, quæ sustinentiam spectat, longè sit fortior, quam moderatio audaciæ, quæ spectat aggressionem: unde concluditur pati fortius esse quam agere; & cum ex malis illud difficilius feratur, quod ab inimico proficiuntur, summum actum fortitudinis esse injurias modestè ferre.

Confirmatur 1. Hæc doctrina ex S. Thoma 3. Ethicorum lectione 18. Quia timor imminet homini, ab aliquo fortiori in ipsum insurgente, audacia autem confurgit ex hoc, quod aliquis estimat, cum quem invadit, suā non superare potestatem: difficilius porro est stare contra fortiorē, quam

insurgere in æqualem, vel minorem: igitur difficilius est, & magis arduum sustinere, quam aggredi, & quam insurgere: uti in bello fortius sèpè est hostē irruentem sustinere, neque moveri de gradu, quam in hostem insilire: Porro injuriæ spectandæ sunt ut hostes in acie, quorum impetum fortiter sustinebit vir fortis. nec gradum mutabit: Audi Senecam libro quod in sapientem non cadit injuria cap. 9. Memor esto in primâ acie, alto ordine stare: contumelias, & verba probrosa, & ignominias, & cætera de honestamenta, velut clamorem hostium feras; & ut longinquata, & saxa, sine vulnere, circa galeas crepitantia: Injurias vero & vulnera, alia armis, alia pectori infixa, non desertus, ne motus quidem gradu sustineas: etiamsi premeris, & infestâ vi urgeris, cedere turpe est: assignatum à natura locum tuere: quærvis quis sit hic locus? Viri. Certè omnes ab inimicis illatae offensæ eodem modo ferendæ sunt quo ceteræ adverditates, & omnes fortunæ casus, quos sane qui patienter ferunt fortis existimamus: hinc idem in consolatione ad Helviam: Nihil æquè apud nos admirationem occupat, quam homo fortiter miser: si vir magnus cecidit, magnus jacuit: Non magis illum putas contemni, quam cum ædum sacrarum ruinæ calcantur, quas religiosi æquè acstantes adorant.

Confirmatur 2. Quia aggressio est plenè voluntaria, quod non parum diminuit difficultatem, & consequenter laudabilitatem, unde universim valet, quod sigillatim dixit sanctus Chrysostomus, in primam ad Thessalonicenses,

censes, de sustinentiâ rapinæ , comparatâ ad voluntariam suæ rei erogatiōnem: Raptorem, propter Deum patienter ferre, majus est , quam sponte benefacere: quamobrem ? eo quod hoc quidem, animi fructus est , & voluntatis, unde facile fit; Istud verò vis est & violentia : & facilius quis mille talenta sponte dabit , & nihil se passum esse putabit , quām ut tres obolos præter animi sententiam abreptos , manuetè ferat: Itaque istud magni est animi philosophia: Hoc ipse : ex quo fit ut cūm injuria fiat invito , si patienter toleretur, major sit virtus, quām illatio injuriæ , etiamsi ipsa foret licita: cuius tamen contrarium ostendimus:

Confirmatur 3. Quia qui aggreditur concipit malum quasi absens , & ad summum, ut futurum; qui patitur, considerat ut præsens : atqui operosius est nisi adversus mala præsentia , quām adversus futura; Igitur sustinentia operosior est quam aggressio, & consequēter laudabilior : prōinde non modò condonare injurias , non est animi demissi, & ignavi, sed potius est actus nobilissimus fortitudinis. Certè cum legimus in historijs etiam prophanorum, aliquos gravia passos esse fortiter , & moderate, illos suspicimus, & admiramur: ut Anaxarchum , de quo Nazian. Epist. 64. Cum ei manus , ex imperio Tyranni , in mortario pistillis ferreis tunderentur , ipse ad carnifices Anaxargi culcum tunditis, non me, quasi Anaxarchus ipse non tunderetur, hoc est anima Philosophi : Epictetus , ut ait eodem loco idem Nazian. cūm crus frangeretur , velut in alieno corpore philosophabatur ; citiusque crus per-

fractum esse visum est, quam ipsum doloris vim persensisse : Socrates ab Atheniensibus ad mortem damnatus, cōiectus in carcerem , priùs quidem de corpore, tanquam de alio carcere, cum discipulis suis disserebat , cūmque sugam inire liceret , id facere recusavit: ubi autem cicuta oblata est , perlitter accepit , perinde ac si lethale poculum, non acciperet , sed propinando amicos ad potandum invitaret : Afopios, & Macedones, & Lacones, dum torquerenter, sortiter tolerare solitos , ait Eratosthenes in ijs. quæ scribit de Bonis, & Malis : & ut ait Clemens Alexander. Stromat. c.p. 5. Zeno Eleates dum cogeretur arcatum aliquod enuntiare, quod evulgare non debebat , restitit tormentis: atque ut omnem spem confessionis, tyranno eriperet, linguam suam dentibus abscissam , in eius vulturn expuit. Sed quid in illis est adeo magnum præter tormenta , & patientiam ? Non suspicimus autem tormenta, quoniam & eadem, & maiora in reis reperiuntur: ut quid autem patientiam admiramur , nisi quia res est ardua , & difficilis , & quæ naturam ipsam superare videatur:

Quamquam non ipsa dolorum patientia laudem meretur , & admiracionem, nisi causæ honestæ accesserit : neque enim ad fortitudinem spectatur gravitas supplicij, vel incomodi, quod sustinetur, sed causa , & motivum patientiæ : cum non omnis patientia recta sit, & laudabilis , nec ut loquitur Augustinus, libro de Patientiâ cap. 1. vocabulo sit digna virtutis:

I. Enim sunt aliqui qui durissima patiu-

patiuntur pro explendis suis cupiditatibus, ut pro adipiscendis divitiis, & honoribus, & alijs ludicris affectionibus, in venatione, in hastiludiis, in theatris, & similibus : sic August. ait lib. de Patientia cap. 3. Pecuniæ, & gloriæ cupidos, ut ad desiderata perveniant, adeptisque non careant, soles, imbræ, glacies, fluctus, & procellosifflas tempestates, aspera, & incerta bellorum, immanum plagarum ictus, & vulnera horrenda, non inevitabili necessitate, sed culpabili voluntate perferre : Rationem reddit cap. 4. Vis enim desideriorum facit tolerantiam laborum, & dolorum, & nemo nisi pro eo quod delectat, sponte suscipit ferre quod cruciat. Verum nemo hanc patientiam laudarit, quæ non habet originem à virtute, sed à cupiditate.

2. Etiam sunt nonnulli, uti docet August. loc. cit. cap. 5. qui pro apertis sceleribus, non ut ea puniant, sed ut ea perpetrent, multa gravissima perferrunt : Quid de latronibus dicam, qui cùm insidiantur viatoribus, noctes perpetiuntur insomnes, & ut transeuntes excipiant innocentes, sub qualibet cœli asperitate, nocentem animum, corpusque defigunt : Quidam verò se invicem torquere perhibentur, ita ut exercitatio contra pœnas, nihil distet à pœnis: non enim tantum fortassis, ex-cruciantur à Judice, ut à dolentibus veritas exquiratur, quantum à suis socijs, ut à patientibus non prodantur: & tamen in his hominibus miranda potius, quam laudanda patientia, immo nec miranda, nec laudanda, quæ nulla est; sed miranda duritia, neganda patientia: Nam ut S. Doctor pergit dice-

re : Patientia comes est sapientiæ, non famula concupiscentiæ: patientia amica est bonæ conscientiæ, non inimica innocentie: Non igitur ibi patientia ubi crimen est & scelus.

3. Quam multos legimus pro erroris, & falsitatis defensione, multa gravissima passos fuisse : ut de Donatistis scripsit idem August. qui libentissime ad mortem currebant; & quos nemo dixerit fuisse fortes, sed induratos, ac furiosos: Nihil autem illic, ut ait S. Pater loco citato, jure laudandum : nihil utiliter imitandum : Tantò que rectius majore supplicio dignum judicaveris animum, quanto magis, vitijs subdit instrumenta virtutum : Unde sic rectè concludit cap. 6. Cùm ergo videris quemquam patienter aliquid pati, noli continuò laudare patientiam, quæ non ostendit, nisi causa patiendi: quando illa bona est, tunc ista vera est: quando illa non polluitur cupiditate, tunc à falsitate ista distinguitur: cùm verò illa tenetur in criminis, tunc multum huius erratur in nomine. Hinc judicium facere debemus de ijs qui patienter & modestè servunt injurias, qui inimicis non tantum ignoscunt, sed eos diligunt, & benefaciunt persequentibus se, quod nemo faciat nisi Dei causa: Nam ut diximus ex S. Thoma, amor amici, aliam potest habere causam quam Deum, sed inimici dilectio nullam aliam habere potest: itaque signanter dicere potuit Christus in Evangelio, *Ego autem dico vobis, diligite inimicos vestros*, quasi ipse solus author esse potuerit huius mandati, & solus esse potuerit causa & motivum huius dilectionis : Cùm ita que

que non desit honestas motivi, & summa sit alioqui in eo difficultas, nemo negare potest esse summum actum fortitudinis:

Scio passim inter homines plurimi fieri præclara in bellis facinora, & in illis ferè omnem fortitudinem reponi: Non ignorò quod notavit Aristoteles sect. 27. problem. 5. Respublicas fortitudinem super omnes virtutes maximè honorare, licet non sit omnium virtutum maxima: cuius rei rationem subdit Philosophus, Quia vel alijs bellum inferunt, vel ab aliis patiuntur: hæc autem virtus perutilis in utramque partem est. Et quidem ratione objecti, militaris fortitudo primatum obtinere videtur, quia summis periculis se obijcit: Deinde ratione subjecti, Quia in homine militari multæ virtutes desiderantur, temperantia, justitia, & aliae quæ justitiam comitantur: Denique ratione utilitatis, & commodorum, hæc enim virtus, omnia bona, quæ Rempublicam constituunt, & beatam faciunt, conservat: Hinc factum ut jam olim militia, huius virtutis merito prærogativam tulisse videatur conferendæ nobilitatis, uti docet Laetantius lib. 1. Institutionum cap. 18. & apud nos, idem valuit, Miles, quod nobilis: Hoc dictum fuit Heracliti, Marte cæfos Dij honorant, & homines, & Platō 5. de Republ. ait eos qui strenuè se gerentes, obierunt in bello, esse aurei generis: aureum autem genus per Deos esse: Clemens Alexandr. 4. Stromat. cap. 2. ait Græcos veteres, eos præcipue honorasse, qui in bello obijssent. Rationem hanc affert, Quia qui vitam finit in bello, mortem non timens recessit,

amputatus à corpore, cum prius animo non laborasset, nec emolitus esset, quæ dispositiones solent in morbis, hominibus evenire, discedunt enim effeminati, & vivere cupientes, & ideo puram animam non emittunt, sed veluti notas plumbeas, secum efferunt, cupiditates: nisi pauci aliqui doctrinâ, & virtute roborati: Hinc studium omne quarundam civitatum, & populi, arma, & bella: & illis solis, qui se fortiter gessissent in bello, magna præmia concessa, cæteris autem denegata: Multa huius rei exempla profert Aristoteles lib. 7. Politic. cap. 2. Lacedæmone, & in Cretâ, ad bellum ferè ordinata est disciplina juventutis, & legum multitudo: lumma potentia defertur ijs, qui armis prævalent, apud Scythes, & Persas, & Thracies, & Gallos: Carthaginenses solis militantibus concedunt annulos, & pro numero expeditionum, in quibus militaverunt. In Macedonia lex fuit, ut qui nullum hostem interemisset, capistro cingeretur: Apud Scythes solemnibus diebus circumlatâ pateram accipere ei non licebat, qui hostem nullum occidisset: sed apud Iberos, gentem bellicosam, mos fuit, tot obeliscos circa sepulchrum erigere, quot homines ex hostibus quisque sustulisset: Innumera alia leguntur apud varios, aut legibus, aut moribus constituta, quibus qui strenuè depugnarunt in bellis, & vivi, & mortui, supra reliquos mortales decorantur: Quare recte dixit Tyrtaeus vetus author de gloriâ bellicâ: Neminem valde memorandum vel à pedum velocitate, & cursu, vel à robore corporis, licet in primo supereret Thracium Aquilonem, in secundo

Cyclopum magnitudinē : vel à formā, vel à divitiis, vel à potentia, vel ab eloquentia, vincat licet Tithonum formae elegantiā, opibus Midam, Pelopem Tantali filium regno, & suavem Adrasti linguam, neque si omnem gloriam habeat præter bellicam virtutem: hæc virtus est, hoc optimum inter homines præmium, quod maximè decorat illud habentem : unde Aristoteles 3. Ethic. cap. 6. postquam egit de fortitudine sic concludit : Is igitur homo fortis propriè dicitur, qui circa honestam mortem, & ea omnia quæ repente eveniunt, atque afferunt ipsam, interitus est, eiusmodi sunt ea, quæ in bello contingunt.

Ego quidem militari fortitudini detrahere nihil velim, sed jam ostendimus plus esse fortitudinis in sustentia quam in aggressione: Immo nec fortitudo militaris strage hostium metienda est, quæ explosio bombardæ majorem faciet, quam plures milites : sed periculis mortis, seu in illis vixit quis existat, seu vixit, hoc enim nihil facit ad fortitudinem, sed summorum periculorum contemptus: Nam ex Seneca, si quis magnus cecidit, magnus jacuit, ut non semel à me dictum est : Itaque pluris facimus eum, qui mortem patienter sustinet, quam qui strenue mortem infligit: Hoe vide in unâ familiâ in qua omnia fuere summa.

De Machabæis loquor quorum fortitudo magna fuit in aggressione, & in perpetione, sed in istâ mirabilior: Quoad aggressionem attinet, Iudas Machabæus in præclaris belli facinoribus nulli Ducum concessit: Audi quid de eo dicat Scriptura 1. Machab. cap. 3.

Dilatavit gloriam populo suo, & induit se lorricam sicut gigas, & succinxit se arma bellica sua in prælijs, & protegebat castra gladio suo. Similis fatus est leoni in operibus suis & sicut catulus leonis rugiens in venatione: Res cius præclare gestæ in trium Regum tempora incident, Antiochi Epiphanis, Antiochi Eupatoris, & Demetrij: Et quidem tempore Epiphanis, multa prælia gessit, sed quatuor potissimum : primū, cum Apollonio, quem, ut ait Gorion. lib. 3, cap. 10. cum Iudas vidisset stante in medio exercitu Macedonum, per medios hostes viam sternens, ad dextram, & ad sinistram fortissimos Macedonię percutiens, ut messor spicas solet metere, ad ipsum pervenit, eique vitam & gladium abstulit, quo deinceps usus est in prælijs: Alterum fuit cum Serone, eius copiæ cum suâ multitidue socios Iudeæ exterrissent, ipse eos verbis sic accedit, ut hostium exercitum, partim deleverit, partim sugarit ipso duce occiso: Tantam vicitoriam ita Antiochi fecuta est, & magnus belli apparatus, & trium ducum electio, Ptolomæi, Nicænoris, & Gorgiae, cum quibus Iudeæ pugnandum fuit, sed cum parvâ manu innumeros hostium globos devicit, seper in medios hostium cuneos irruens, unde ingentia retulit spolia, & hoc fuit tertium eius prælium, quo plures hostes confecit. Quartò, contrivit Lysiam cum exercitu 40. milium electorum, & quinque milium equitum: Quid memorem varia eius prælia cum finitimis gentibus, Iudeorum genti perinfestis, quæ omnia feliciter iniit: primum cum Idumæis: secundum cū Beanijs: tertium cum Ammonitis, & eorum duce Timo-

Timotheo, quem s<sup>æ</sup>pius devicit: quartum cum Galaaditis ultra Jordanem: quintum cum Galilæis gentilibus, Ptolemaenibus: Tyrijs, & Sidonijs: sextū cum Carnaimitis, & oppressa est Carnaim, & non potuit sustinere contra faciem Iudee: septimum cum Ephronitis: Erat autem Ephron civitas munitissima quæ ei transitum negaverat, quam unius dici, & noctis obsidione cepit, & eradicavit eam, ait textus, & accepit spolia eius, & trāsivit super interf eos: octavum cum Idumæis, quorum urbes demolitus est, & turres succedit: nonum cum Samaritanis: decimum cum Palestinis maximè Azotij, quorum aras, & simulachra succedit: Et hæc sunt prælia Judæ Machabæi sub Antiocho Epiphane, cui successit filius, dictus Antiochus Eupator, cuius tempore Judas conflxit cum quinq; eius ducibus quos superavit.

Primus fuit Gorgias, cui juncti sunt Idumæi infensissimi Judæorum hostes, quos magnâ strage Judas affecit, occisis plusquam viginti millibus: Secundus dux fuit Timothæus, quem Judas adjuvantibus Angelis dévicit, occisis viginti millibus hostium, & quingenitis, non numerato equitatu: Deinde expugnata Gazara, & Timotheus interfactus: Tertius dux fuit Lysias, jam alias devictus, qui adverlus Judam processit cum 80. millibus peditum, & universo equitatu: In primâ acie processit Machabæus alios adhortans. Iabant igitur prompti, de cœlo habentes adjutorem, & miserantem super eos Dominum: Leonum autem more irruentes in hostes, prostraverunt ex eis undicem millia peditum, equites mille sexcentos: universos autem in fugam verterunt, plures autem ex eis vulnerati, nu-

di evaserunt: Quartus dux fuit Timotheus, altero primo jam occiso, cuius exercitum constantem centum viginti millibus peditum, & bis mille quingenitis equitibus, penitus confregit, interfectis triginta millibus, præter innumerous quos minoribus prælijs confecit: Quintus dux fuit Gorgias qui victus à Juda, fugâ se proripuit, sed Judas totam Idumæam cepit, eorum civitates subvertit, & ad tributum coegerit: Expugnatis Eupatoris ducibus, cum ipse pugnaturus venisset, cum in numero exercitu, & 32. elefantis, Judas eum tantâ fortitudine expugnabit, ut multis in eius exercitu interemptis, eum ad pacem petendâ coegerit:

Nō minora fuere ipsius facinora sub Rege Demetrio, Nam cùm Bacchides & Alcimus venissent cum magnis copijs, certaturi cum Juda, visâ eius constantiâ, non ausi sunt congregati: Demetrius itaque secundum ducem misit Nicanorem cum exercitu, cuius quinque millia occidit Judas: sed cum altero prælio rem tentasset, ad 30. millia Judas peremit, & in fronte exercitus Nicanorem ipsum aggressus, ut ait Gorionides, in duas partes dissecuit, eiusque caput abscissum, & dexteram quam in templum extenderat, misit in Jerusalé, & blasphemam lingua minutatim concisam, avibus dedit edendam: Ultimum Judæ prælium omnium fuit gloriosum cùm Bacchidem & Alcimum cum exercitu triginta milium, aggressus est cum octingentis tantum militibus, & illorum quindecim millia confregit: sed ut ait S. Amb. lib. i. Offic. cap. 41. dum fugientes sequitur, à tergo vulneri locu præbuit, ita glorioarem triumphis

mortem invenit : Certè nihil istâ militari fortitudine generosius dici potest.

Sed audeo dicere plus me admirari fortitudinem septem fratrum Machabæorum qui sub Antiocho Epiphane martyrium cum suâ matre subierunt, vel ipsâ Scripturâ judice quæ dicit Proverb. 16. *Melior est patiens viro fortis, & qui dominatur animo suo, expugnatore urbium:* Siquidem ut ait Ambros. 1. Offic. cap. 41. Illi armati ( de Iuda loquitur, Ionatha , & alijs fratribus ) istis sine armis vicerunt: stetit invicta septem puerorum cohors, regijs cincta legionibus; defecerunt supplicia , cesserunt tortores, non defecerunt Martyres. Sed enucleati rem exponamus.

1. Igitur vide inter quos sit certamen : ex unâ parte stant septem pueri, & Mater jam ætate profecta: Nazian. orat. 22. Septem fratres unius animæ vinculo constricti: Cyprian. in exhort. ad Martyres cap. 9. Septem fratres, natalium pariter & virtutum sorte consimiles, septenarium numerum perfectæ consummationis implentes : Nazian. Ibi fortes & magnanimi filij, nobilis Matris , nobiles soboles , alacres veritatis pugiles , sinceri Mosaïcæ legis discipuli , exacti patriorum rituum custodes, unum spirantes, unum ad vitam iter, hoc est, mortem pro lege Dei appetitam agoscentes, non minus animis , quam corporibus fratres , mortis causâ inter se æmuli : Illic fortes & strenua mater filiorum simul & Dei amans. Ex alterâ parte Antiochus cum toto exercitu multarum nationum viatore, in propriâ sua urbe, quam de suo nomine vocavit Antiochiam. Ambros.

lib. 2. de beatâ vitâ cap. 9. Stetit is inter exercitus Regios , quibus totus fuit orbis terrarum subactus , quos India quoque in extremi maris secreta refugiens declinavit , & solide Rege superbo, sine bellico conflitu victoriam reportasti, vicerunt in vobis sola arma pietatis. Iam vide quæ differentia sit inter præliâ Iudæ Machabæi & istorum: ille armatus pugnabat, isti sine armis; ille cinctus militibus, quorum cum illo comune periculum fuit , isti numero septem cum Matre ; in exercitu ludæ plures fugerunt, hostium multitudinem expavescentes, hic nemo aufugit, sed ut ait Nazianz. quemadmodum ortu, ita etiam morte fratres apparuerunt , omnes tanquam unus, & singuli tanquam omnes periculum subierunt.

2. Vide apparatus pugnæ : Nam Antiochus in medium protulit , varia multiplicitum tormentorum instrumenta, flagra omnis generis, funes, catenas, catastas, equuleos , rotas luxandis artibus accommodatas, ferreas ungulas, cultros, gladios, ollas ferventes, sartagine, oleum, ignes & incendia , tortores, militem , populum , carnificinam: Pueri ex adverso, legis præcepta, Elefasi instituta, Patrum exempla, Matris exhortationes, Dei conspectum, Angelorum theatrum , religionis sanctitatem, firmum propositum, generis nobilitatem , suam educationem ; Dei promissa, cœlum, beatitudinem : Recte dicit Amb. lib. 2. de Iacob. cap. 2. Collige suppliciorum instrumenta proposita : meditationem patientiæ , non terrorem inscitiae affrunt, dum vindentur.

3. Sicut

3.. Sicut in prælijs præcedunt ducū adhortationes, & militū clamores, & tubarum clangor, quibus omnes incēiduntur ad pugnam, ita nec in hoc certamine defuerunt: Quid non egit Antiochus ut timeretur? quas minas non adhibuit? sed vbi vidit non succedere minas, immò neque ipsa tormenta, ad preces, & ad promissa descendit: Sed eius minæ neglectæ, & delusa promissa, unde majori irā accensus est, *Indignè ferens*, ait Scriptura, *se derisum*. Quis hic referat quibus verbis se invicem fratres generosi cohortati sint? *Naziāz.* Orat. 22. Amplectebantur se mutuō, atque exosculabantur, non minus lātis animis, quām si jam ad certaminum finem, ventum esset: Eamus ad pericula fratres, clamabant, Eamus, properemus, quamdiu fervet adversum nos tyranus, ne fortè molliatur, atque ita salutis jaēturam faciamus: Nemo nostrū huius vitæ cupidus sit, nemo ignavus, ac timidus: perficiamus, ut cum in nos tyrannus inciderit, de cæteris desperet: periculis ille quidem ordinem impoñat, nos sequemur. Nam primus, alijs erit via, postremus, certaminis sigillū: Demus operam, ut quemadmodum ortu, ita etiam morte, fratres appareamus: omnes tanquam unus, & singuli tanquam omnes periculum subeamus: Eleasare fuscipe, Mater sequere. Quæ verò ad tyrrnum dixerunt tanta sunt, ait Nazianz orat. 22. & tantum continent sapientiæ & animi magnitudinis, ut aliorum præclara facinora, in unum locum collata præ eorum constantiæ, & fortitudine per exigua videri possint: ut illorum hæc propria sit laus, quod

ijdem, & ita cruciatus exceperint, & tantam sapientiam exercuerint in re-sponsionibus ad presecutoris minas, injectosque suppliciorum terrores. Sed supra omnes mirabilis fuit mater, filios suos adhortans: sic enim loquitur Scriptura 2. Machab. cap. 7. *Supra modum autem Mater mirabilis, & honorum memoriā digna, quæ &c. singulos illorum bortabatur voce patriā fortiter, repleta sapientiā: & fæmineæ cogitationi, masculinum animū inserens, dixit ad eos: Nescio qualiter in utero meo, apparuisti: neque enim ego spiritum & animam donavi vobis, & vitam, & singulorum membra non ego ipsa compagi: sed enim mundi Creator, qui formavit hominis nativitatem, quique omnium invenit originem, & spiritum vobis iterum cum misericordiā reddet & vitam, sicut nunc vosmetipso despiciatis propter leges eius.* Eodem sensu Cyprianus in exhort. ad Martyres: Deprecata est illa; sed ut decebat Martyrum matrē, ut decebat legis, & Dei memorē, ut decebat filios suos, non delicate, sed fortiter diligentem: armans itaque eos, & corroborans, & feliciore tūm partu filios generans. Sed præcipue cūm natura minima jam solum superslitem tyrranus emollire promissis conabatur, quem priorum tormentis, & funeribus terrere non potuerat, ostensis ei uberibus quibus eum novem mensibus lac-taverat, sic eum affata dicitur 2. Machab. cap. 7 *Fili mi miserere mei, quæ te in utero novem mensibus portavi, & lactriennio dedi, & alii, & in ætate istam perduxī. Peto nate, ut afficias ad cælum & terram: & ad omnia quæ in eis sunt: & intelligas quia ex nibilo fecit illa Deus, & hominum genus: ita fiet ut non timeas:*

carnificem ipsum; sed dignus fratribus tuis effedus particeps, suscipe mortem, ut in illa miseratione, cum fratribus tuis te recipiam: Ambros. lib. 2. de Jacob. cap. 2. Tu solus superes fili, summa votorum meorum, tu postremus clausisti partus meos, tu postremus conclude gaudia mea: Misere mei, quæ te in utero tot mensum curriculo portavi, & aspice in cœlum, unde spiritum hausisti, ad patrē omnium: aspice ad fratres qui collegam requirunt, aspice ad matrem, quæ tibi laceredit, redde mercedem pīj sanguinis: noli à fratribus, noli à matre divelli: temporales opus sunt, quas promittit Antiochus, temporales honores, perpetua corona quæ à Deo omnipotente desertur: Vos mihi septem dierum lumina dedit Dominus: sextum jam diem clausi, & omnium opera, bona valde, debes mihi fili, ut quæ in illis sex laboravi, in te requiescam septimo, tanquam à sæculi operibus jam feriata.

4: Sed hæ præludia sunt ad pugnam, videamus amborum certamen. Antiochus pugnavit tormentis, pueri fortitudine, & patientiâ: Verum non simul omnes aggressus est, sed singulos sigillatim ut priorem supplicijs posteriores terroreret: Et hoc cessit illis ad gloriam, ut saepius vincerent, & ille saepius vinceretur. S. Leo de Machabæis. Multiplicatae sunt Martyrum palmæ, & dum singuli in omnibus vincunt, præter coronas proprias, omnes acquisivere septem.

Primum supplicium fuit quod nudatos flagris & taurcis singulos cruciavit, gravi sanè iniuriâ nobiles adolescentes, non fervorum modo sed reorū pœnâ afficere: Hęccine sunt ea tormenta

quæ tantoperè minabarisi? Nos tractas more puerorum, cum virgis constantiâ nostram probas: aut alia tormenta excorita, aut hęc scias à nobis contemni. Expectas fortasse ut orationem retexamus? Immò vero saepius idem repetemus: Cibis impuris non vescemur: Non dabimus manus: citius nostra veneraberis, quā ut nos tuis cedamus: 2. Machab. 7. Quid queris, & quid vis discere à nobis? parati sumus mori magis quam patrias Dei leges prævaricari: Non tulit tyrannus tantā loquendi libertatē: Itaq;

2. Jussit loquentibus linguam extrahi & amputari. Ambrosius lib. 2. de Beatâ vitâ cap. 2. Et ille exclamans, victus es Antioche qui organū vocis abscindi jubes: confessus es te respondere nō posse rationi, majoraque probas linguæ nostræ flagella, quam tua verbera: Nos enim tua verbera non timemus, tu nostræ vocis flagella non potes sustinere, &c. Sed etiam lingua sublata, gravius te suo cædens murmure flagellabit: Evadere te putas Antioche, si vocem eripias? & tacentes Deus audit, & magis audit. Ecce aperui os meū, lans linguam meam: Abscinde lingua, sed non abscondes constantiam, non virtutem auferes, non rationem obliterabis, non eripies testimonij veritatis, non eripies cordis clamorem: si lingua amputatur, sanguis clamabit, & dicetur tibi, vox sanguinis fratris tui clamat ad me: audit enim sanguinis vocē, qui audit internas cogitationes: quid verba damus? loquaciora sunt vulnera: & si vulnera tegantur, & si abscondatur cicatrix, non absconditur fides: Nec tandem plaudas quod auferendo linguam, con-

confessionem laudis eripias : satis jam Deum sermone laudavimus , nunc paſſione laudemus : Primum itaque ſacrificium fuit lingua, quod , ut ait Cyprianus in Exhort. ad Mart. Martyri glorioſius contigit, lingua enim, quia prior confessa Deum fuerat , prior ad Deum debuit proficiſci . Quod in uno præſtitum, in alijs factum eſt, itaque tertius linguam poſtulatus cito protulit . Cyprianus, Nam pœnam linguae explicandæ , jam didicerat à fratre, contemnere .

3. Abſciffe linguae officium liberæ manus implebant, nec gestum ferre potuit , qui vocem non potuerat . Itaque jussit & manus & pedes pueris præſcindi : Cyprianus in exhort. ad Mart. Manus quoque amputandas cōſtanter extendit, multum beatus genere iſto ſupplicij , cui contigit extenſis ad pœnam manib⁹ paſſionis dōinicæ instar imitari .

4. Quod neque lingua nec manus loqui poterant hoc vultus decor & ma-jeſtas loquebantur: quid faciat tyrañus? jussit cutem capitis cum capillis extrahi : ſed ut ait Ambros. 1. Officiorum cap. 41. Ille corio capitis exutus, ſpeciem mutaverat, virtutem auxerat: Idē lib. 2. de Jacob cap. 2. Cūm detrahetur membrana capitis, hæc apud ſe co- gitabat, aufertis quidem membranam, ſed habeo galeam spiritualem , quam non potestis auferre : Et vero hanc ga- leam nemo auferre potest , ſicut poſteā docuit Apoſtolus in Ecclesiā Domini, quia caput viri Christus eſt , & eius ſu- mus membra : unde ſic philoſophatur Cyprianus in Exhort. ad Mart. cutē ca- pitis cum capillis detraxit, odio ſcili- cet certo: Nam cum caput viri ſit Chri- ſtus , & caput Christi Deus , qui caput

laniabat in Martyre , Deum & Christū perſequebatur in capite : Verum quod integrum reſtabat in corpore , ſuā voce non carebat , unde tyranno captata eſt occasio novi ſupplicij quod in illā voce agnoscit Ambroſius in 2. lib. Machab. cap. 7. ſimiliter torquentes .

5. Itaque, ut ait idem lib. 2. de Jacob cap. 2. Jussit quartum venire ad rotam, ut eius vertigine membris omnib⁹ fol- veretur . Theophilus Alexandrinus e- piſtola 3. Paſchali: frangebantur oſſa, & volubili rotā , omnis compago nervorum, atque artuum folvebatur : At ille dum torqueretur immaniter , ait Am- broſ. loc. cit. diſſolviſ (ajebat) corporis membra, ſed adjungis gratiam paſſioni, nec eripis ſolatium morti: Eſt enim vox tonitruī in rota, qua in bono , & inoffen- ſo viṭa iſtius curſu, cœleſte reſultat o- raculū : itaq; illud quod legi, nunc ma- niſtius recognoſco , quia rota intra rotam currit, nec impeditur: teres enim vita ſine illā offenſione, in quavis paſſione verſatur , & intra hanc quoque rota currit: currit lex intra gratiam , & obſervantia legis intra diuinæ curricu- lum miſericordiæ eſt : nam quō magis volvitur, plus probatur : potius eſt h̄ic ab impijs adverſa tolerare, ut ibi à Do- mino conſolationem invenire poſſi- muſ. Sed quoniam pro membris jam vulnera loquebantur , ut membra , & vulnera aboleret .

6. Ignem omnibus admoveri jussit: Ambros. lib. 2. de Jacob cap. 2. Quintus cum ſisteretur , cæſo prius eidem jussit ignes admoveri, ſubiici, incendi : Ma- nabat ē vulneribus crux , & effoſſis ulceribus , ſangvis effuſus ipſos flam- marū extinguebat globos : at ille inter flam-

flammarum crepitus, audiebatur dicēs,  
Gratias tibi Domine, quod dedisti no-  
bis dicere, *transivimus per ignem*, & sicut  
alibi tuus dicit Propheta. *Igne nos ex-  
aminas, sicut igne examinatur argentum*: asta-  
bo tibi sicut aurum, purgatus incen-  
dio, & si quid fuit culpæ, ignis exussit.  
Verū tyrannus timens ne flamma ci-  
tius sacrificium absolveret semiustula-  
tos ut diutius vexaret, novo supplicij  
genere torquere aggressus est:

7. Itaque, ut ait textus 2. Mach. cap.  
7. *Iratus Rex jussit sartagines, & ollas æneas  
succendi: &c.* Et adhuc sperautem torri in  
sartagine: Theophilus Alexandr. epist. 3.  
Paschali. Plenæ erant ferventis olei  
sartagines, & ad frigenda sanctorum  
corpora, terrore incredibili personab-  
ant, & tamen inter hæc omnia Para-  
disum animo deambulantes, non sen-  
tiebant, quod patiebantur, sed quod  
videre cupiebant: Mens enim timore  
Dei vallata flamas superat, varios  
tormentorum spenit dolores, cùmque  
semel se virtuti tradiderit, quidquid  
adversi evenerit, calcat, & despicit.

Vidisti quibus armis certarit An-  
tiochus, Ambrosius lib. de Jacob cap. 2.  
adhibentur variarum genera pœnarū,  
sed vicit pietas, immanitatis fuorem,  
exclusa est anima, non religio: certè  
pueri nihil opposuere nisi patientiam  
& animi fortitudinem: Theoph. Alex-  
and. epist. 3. Pasch. Fortiores pœnis, ar-  
dentiores, quibus comburebātur igni-  
bus: Viæ sunt in eis omnia crudelitatis  
ingenia, & quidquid ira persecutoris  
invenerat, patientium fortitudo su-  
peravit: Inter pœnas magis paternæ le-  
gis quā doloris memores: laceran-  
tur viscera, tabo & sanie artus diffute-

bant, & tamen sententia perseveratim  
mobilis: liber erat animus, & mala  
præsentia, futorum spe despiciebant?  
Lassabantur tortores, & non lassabatur  
fides.

Sed minora fuerunt natorum quā  
matris certamina, de quā Cypr. in Ex-  
hort. ad Mart. Admirabilis quoque ma-  
ter, quia nec sexus infirmitate fracta,  
nec multipli orbitate commota, mo-  
rientes liberos spectavit libenter: nec  
pœnas illas pignorum, sed glorias cō-  
putavit, tam grande Martyrium Deo  
præbens virtute oculorum suorum, quā  
præbuerant filii eius, tormentis & pas-  
sione membrorum. Augustinus serm.  
109. de divers. cap. 6. isti in se singuli,  
sentiendo: illa videndo in omnibus  
passa est: facta mater septem Martyrū,  
septies Martyr, à filiis non separata  
spectando: filiis addita, moriendo: vide-  
bat omnes, amabat omnes, ferebat in  
oculis, quod in carne omnes: nec solū  
non terrebatur, sed etiam exhortaba-  
tur. Idem notavit Gaudentius Brixianus:  
Aspicit, & hortatur, tot martyria  
pertulit, quot pignora consecravit;  
septies in propriis passa visceribus, oc-  
tava & ipsa accessit numero, ad octavā  
Christi Resurrectionis diem, cum caris  
pignoribus occursura. Ubi vides du-  
plex à Patribus in matre Macchabæo-  
rum agnisci martyrium, unum sed  
multiplex in filiis, alterum in seipso.

Qualiter se in primo gesserit sic ex-  
primit Chrys. homil. de septem Mach.  
In his omnibus filiorum præliis & tor-  
mentis, unum timebat, ne cuiquam ty-  
rannus parceret, ne quis eorum sine  
coronâ maneret: Ambros. lib. de vitâ  
beatâ cap. 2. Mater consona cernens  
filio-

filiorum agmina , tanquam pia anima , sui membra corporis in filijs offerebat , & , per artus proprios videbatur sibi subire tormenta , &c. Cadebant filij tormentis exulcerati : mortui super mortuos advolvebantur , corpora super corpora volutabantur: capita super capita exsecabantur : resertus erat locus cadaveribus filiorum: non flevit mater , non lamentata est ; non oculos cuiusquam pressit , aut ora morientis : non lavit vulnera , sciens glorioiores esse , si eviscerati , & concreti pariter pulvere , & sanguine viderentur , quales solent de bello redire victores , qualia solent trophæa ex hostibus portare : Non superjacienda velamina , non prosequendas exequias , nisi suo quoque comitatu mortis arbitrata est . Nazianz. orat. 22. Cruoris guttas rapiebat , fragmenta membrorum excipiebat , reliquias adorabat: hunc colligebat , alium porrigebat , alium parabat , omnibus acclamabat .

Qualiter autem ipsa se in proprio Martyrio gesserit , nemo mortalium fatis eloqui potest , itaq; uno verbo quasi compendio absolvit Scriptura 2. Mach. cap. 7. *Novissimè autem post filios mater cōsumpta est* : Neque enim ait Cypr. in exhort. ad Mart. aliud jam decebat , quām ut quæ Martyres pepererat , & fecerat , in consortio illis gloriæ jungeretur , & quos ad Deum præmiserat , ipsa quoq; sequeretur : alioqui plenum non fuisset sacrificium: unde , ut ait Amb. de Jacob cap. 2. pia mater , supplémento passionis adjuncta est , quæ in talib' filijs integrā pietatis formā , & parturivit & peperit :

Quare , ut ait Nazian. orat. 22. ipsa supra omnia collocans , impetumq; animi cuī amore coīscens , pulchri cuiusdam funebris muneric loco , scipiam liberis obtulit , ac prægressos secuta est .

Modum mortis non codem modo omnes narrant: Refert Senen lib. 5. Bibliot. fuisse aliquos qui præ gaudij magnitudine mortuam dicerent : ob filiorum triumphum : Gorionides ait expansam super filiorum cadavera , & à Deo depositum ut filios sequeretur , sic expirasse : Josephi liber Græcus ait ipsam , ne virorum quispiam corpus eius attingeret , in extructum se se rogū abjecisse , & ita avolasse post filios : id fortasse significavit Scriptura , cū dixit , *Novissimè autem post filios & mater consumpta est* : Verū in versione latinā libri eius de Machabæis , legitur raptatam , nudatam , laceratam , manibus in altum ligatis , uberib' sauciis flagellatā flammicom tandem sartagini addictam : ô mulierē masculis omnibus ad toleratiā generosiorem ! Idem exclamat , ô viris ipfis ad patientiam viriliorem !

Quid hīc censes , mi Auditor , quid judicas ? si nosti quid sit fortitudo , an tibi infra Judam Machabæum videntur septem pueri Machabæi ? an non supra omnes tibi videtur esse Machabæorum mater ? an non verum quod dixi , plus esse fortitudinis in tolerando , & patiendo , quām in aggressione ? Quid igitur ignavos eos putas qui injurias toleranter patiuntur , qui condonant , qui ignoscunt , qui eos à quibus sunt offensi primi requirunt , qui benefaciunt illis quos habent persecutores , uno verbo qui inimicos diligunt ?

Mm

Tu

Tu in eo ponis generositatem, si quis nihil ab alio patitur, si quis injurias reponit: si quis se aliis formidabilem reddat: isti sunt mundi generosi, isti fortis, isti magnanimi: sed Christus aliter judicavit: aliter sanxit, aliter fecit, aliter suos docuit: vide quo potius in iudicio stare debeas, an Christi an mundi? cui tandem parere debeas, an mundo an Christo: An putas si se ulcisci esset generosum id Christus prohiberet? Si auctus esset verę fortitudinis, id Christus damnaret? an putas si patienter injuriam tolerare, esset ignaviæ, id ipse nobis präcipereret, id mercede afficeret, id laudaret, id prædicaret, id suaderet, id ipse præstisset? Sed inquires, id mihi est impossibile: Cur tandem? quia in hoc me ipsum vincere non possum: Vide quomodo ignaviam cogeris fateri, & impotentiam: non igitur parcere est ignaviæ, non igitur vindicare se est fortitudinis. Hinc agnosce nihil generosius Evangelio, nihil vero Christiano fortius, nihil doctrinā Christi sublimius. Humilitatem docet, quia omnes huius sæculi honores contemnit: suadet paupertatem, quia nullas esse

putat divitas quæ sunt temporales, sed tantum æternas: mortem non esse timendam, quia ad meliorem vitam est transitus: non eos esse timendos qui tantum possunt occidere corpus, quia bonum esse hominis non spectat corpus, sed animam; non est huius virtutæ, sed futuræ: eos qui nos persequuntur non ut hostes, sed ut amicos esse aspiciendos, quia nobis plus afferunt emolumenti, quam damni: plus prædeste inimicum, quam amicum, meliora enim sunt vulnera quam oscula, melius est dare quam accipere, pati, quam agere, & injuriis affici quam laudari: unde hæc Christi consilia, Matth. 5. Si quis te percussit in dexteram maxillam tuam, præbe illi & alteram, & ei qui vult tecum iudicio contendere, & tunicam tuam tollere, dimitte ei & pallium, & quicunque te angariaverit mille passus, vade cum illo, & alia duo: Horum omnium ratio est, quia quod aliquid est difficultius, eò etiam & perfectius est, & majorem mercedem meretur profectio in cœlis: quod nos gratia sua ducat JESUS CHRISTUS,

Amen..